

## 1. Informacione të përgjithshme

LABORATORY NETWORKS sh.p.k është themeluar si një shoqëri me përgjegjësi të kufizuar dhe gjendet e rregjistruar në rregjistrin tregtar (QKB), indentifikuar me NIPT-in L91923002T . Veprimtaria e saj rregullohet sipas dispozitave të ligjit Nr. 9901 datë 14.04.2008 “Për Tregëtarët dhe Shoqëritë tregtare” dhe nga statuti i saj.

Adresa e selisë së shoqërisë është Rruga Kongresi i Manastirit ,pallati i firmes F.A.G,Ap.Nr2, Tiranë.

Veprimtaria kryesore tregtare e shoqërisë për ushtrimin 2021

ka qene :

*Aktiviteti Ekonomik i Shoqërisë lidhet dhe është në funksion të implementimit dhe zbatimit të PPP/Marreveshjes së Koncesionit, ndërmjet Ministrisë së Shëndetësisë në Republikën e Shqipërisë ("Autoriteti Kontraktues" apo "MESH") dhe Shoqërisë për Ofrimin e Shërbimeve Diagnostikuese nga Laboratorët Mjekësorë në Spitalet Universitare, Rajonale dhe të Bashkive të Sarandës dhe Lushnjës ("Marreveshja e Koncesionit") përfshirë ofrimin dhe prokurimin e çdo dhe të gjithë shërbimeve dhe mallrave të lidhura si edhe kryerjen e çdo aktiviteti tjetër për këtë qëllim ("Projekti"). Në përputhje me Legjislacionin Shqiptar për përmbushjen e objektit të sipërmendur, Shoqëria mund (i) të kryejë çdo aktivitet me pasuri të luajtshme dhe të paluajtshme si edhe aktivitete tregtare, financiare, qira apo hipotekore të cilat mund të konsiderohen të dobishme apo të nevojshme për përmbushjen e objektit të Shoqërisë dhe që nuk tejkalojnë në masë aktivitetet kryesore, të cituara më sipër; (ii) të blejë, në mënyrë të drejtperdrejte apo të terthorte, interesa në shoqëri të tjera që kanë objekt të ngjashëm me ato të Shoqërisë, në Shqipëri apo jashtë saj; dhe (iii) të kryejë aktivitete publikimi e reklamimi; (iv) të kryejë aktivitete import-eksporti; (v) të kryejë çdo aktivitet tjetër që mund të konsiderohet i dobishëm apo i nevojshëm për përmbushjen e objektit të Shoqërisë.*


Kapitali rregjistruar aktualisht është 10,000,000 ALL dhe zotërohet nga :

1. LABOPHARMA SHPK Ortak i shoqërisë zotëruar i 1 kuote me 41.7% të pjesëve të Kapitalit - Para: 4.170.000,00 leke.
2. AB Laboratory Solutions B.V Ortak i shoqërisë zotëruar i 1 kuote me 33.3% të pjesëve të Kapitalit - Para: 3.330.000,00 leke.
3. EXALAB Ortak i shoqërisë zotëruar i 1 kuote me 25% të pjesëve të Kapitalit - Para: 2.500.000,00

## 2. Bazat e përgatitjes së Pasqyrave Financiare

### **Deklarata e pajtueshmërisë**

Pasqyrat financiare janë përgatitur në përputhje me ligjin shqiptar “Për kontabilitetin dhe Pasqyrat Financiare” dhe me Standartet Kombëtare të Kontabilitetit. Ato janë përgatitur mbi bazën e



parimit të kostos historike, duke e kombinuar me elemente të metodave të tjera dhe parimit të drejtave të kostatuara. Ato paraqiten në monedhën vendase, Lekë Shqiptar ("ALL").

### **Biznesi në vijimësi**

Pasqyrat financiare të Shoqërisë përgatiten mbi supozimin e biznesit në vijimësi, i cili merr parasysh se shoqëria do të vazhdojë ekzistencën e aktivitetit të saj për një të ardhme të parashikuar.

### **Monedha funksionale dhe e paraqitjes**

Këto pasqyra financiare janë prezantuar në Lek Shqiptar ("Lek"), e cila është monedha funksionale e Shoqërisë.

### **Vlerësime dhe gjykime**

Paraqitja e pasqyrave financiare kërkon që menaxhimi i shoqërisë të kryejë vlerësime dhe supozime që ndikojnë shumat e raportuara të aktiveve, detyrimeve dhe aktiveve të detyrimeve të kushtëzuara në datën e pasqyrës së pozicionit financiar, si dhe të ardhurave dhe shpenzimeve të krijuara në periudhën kontabël.

Vlerësimet dhe gjykimet rishikohen vazhdimisht dhe bazohen në eksperiencën e mëparshme dhe faktorë të tjerë duke përfshirë pritshmeritë për ngjarjet e ardhshme të cilat besohen të jenë të arsyeshme në rrethanat aktuale. Në disa raste menaxhimi mbështetet në mendimet e ekspertëve të pavarur. Menaxhimi kryen vlerësime dhe gjykime në lidhje me të ardhmen. Vlerësimet kontabël që rezultojnë sipas përkufizimit, jo gjithmonë do të barazohen me rezultatet aktuale. Vlerësimet dhe supozimet që kanë risk të rëndësishëm për të shkaktuar korrigjime (axhustime) materiale, të vlerave të martura të aktiveve dhe detyrimeve janë përshkruar më poshtë:

#### **- Zhvlerësim i llogarive të arkëtueshme**

Zhvlerësim i llogarive të arkëtueshme bazohet në humbjet e vlerësuara të cilat rezultojnë nga pa mundësia e klientëve për të paguar detyrimet e tyre. Këto vlerësime bazohen në moshën e llogarive të arkëtueshme dhe eksperiencën e mëparshme në çregjistrimin, vlerësimin e aftësisë paguese të klientëve, si dhe ndryshimet e fundit dhe të pritshme të termave të pagesës së klientëve. Menaxhimi vlerëson në fund të çdo periudhe në rast se ka nevojë për zhvlerësimin e llogarive të arkëtueshme.

#### **- Provizionet**

Provizionet në përgjithësi kërkojnë një nivel të lartë gjykimi, veçanërisht në rastet e konflikteve gjyqësore. Shoqëria vlerësohet mundësinë e krijimit të një detyrimi aktual si rrjedhojë e një ngjarje

të shkuar, në rast se mundësia e ndodhjes vlerësohet të jetë më shumë se 50%, në të tilla raste shoqëria provizionon vlerën e detyrimit e cila mund të matet me besueshmëri. Për shkak të nivelit të lartë të pasigurisë, në disa raste mund të ndodhë që vlerësimi mund të mos jetë në të njëjtën linjë me rezultatin e çështjes. Manaxhimi vlerëson në fund të çdo periudhe në rast se ka nevojë për krijimin e provizioneve.

**- Zhvlerësimi i inventarëve**

Shoqëria vlerëson gjendjen e inventarit në qarkullim të ulët dhe inventarin i cili ka humbur vlerën e përdorimit për shkak të zhvillimeve teknologjike apo arsyeve të tjera, me synim për të përcaktuar masën e zhvlerësimit të inventarit, bazuar në përdorimin e ardhëm të tij dhe në llogaritjen e vlerës neto të realizueshme. Në rast se vlera neto e realizueshme e inventarit është më e ulët se vlera kontabël neto, ekziston një tregues që inventari është zhvlerësuar. Shoqëria përdor gjykimin e saj për të përcaktuar masën e zhvlerësimit.

**3.Politikat e Parimet kontabël më domethënëse të pëdorura nga shoqëria, janë si më poshtë:**

**Mjetet monetare**

Mjetet monetare përfshijnë, mjete monetare në arkë dhe bankë, llogari rrjedhëse, si dhe, investime në tregun e parasë dhe tregje të tjera shumë likuide me kontrata jo më të gjata se tre muaj, të cilat janë objekt i një rreziku jo domethënës të ndryshimeve në vlerë.

Flukset monetare janë hyrjet ose daljet e mjeteve monetare dhe ekuivalentët e mjeteve monetare. Veprimtari të shfrytëzimit janë aktivitetet bazë të prodhimit të të ardhurave të shoqërisë dhe aktivitete të tjera të cilat nuk janë aktivitete investuese ose financuese.

Veprimtari investuese janë blerja, dhe nxjerrja e aktiveve afatgjata dhe investime të tjera që nuk përfshihen në ekuivalentët e mjeteve monetare.

Aktivitete financuese janë aktivitetet që çojnë në ndryshime në masën dhe përbërjen e kapitalit neto të kontribuar dhe të huasë të shoqërisë.

**Aktivitet dhe detyrimet financiare**

Një aktiv financiar ose një detyrim financiar njihet vetëm kur shoqëria bëhet pjesë e kushteve kontraktuale të instrumentit. Matja fillestare e një aktivi financiar ose një detyrim financiar bëhet me kostot e transaksionit (duke përfshirë edhe çmimin e transaksionit) përveç rasteve kur marrëveshja përbën në thelb, një transaksion financiar. Një transaksion financiar mund të jetë, për shembull, kur shiten mallra apo shërbime dhe kur pagesa shtyhet përtej afateve normale të tregtisë.

ose kur ajo është financuar me një normë interesi që nuk është një normë tregu. Nëse marrëveshja përbën një transaksion financiar, matja e aktivitetit financiar ose detyrimit financiar bëhet me vlerën aktuale të pagesave të ardhshme të skontuara me normën e interesit të tregut për një instrument të ngjashëm borxhi.

Në fund të periudhës raportuese, matja e instrumentave financiarë bëhet si vijon: Instrumentat e borxhit e percaktuara në pikën 7 dhe 8 të SKK-3 (si llogari, dëftesë ose hua e arkëtueshme ose e pagueshme) maten me koston e amortizuar duke përdorur metodën e interesit efektiv. Instrumentat e borxhit që janë të klasifikuara si aktive afatshkurtër ose detyrime afatshkurtër maten me shumën e paskontuar të mjeteve monetare ose shumave të tjera të pritshme për t'u paguar ose arkëtuar, përveçse kur marrëveshja përbën, në efekt, një transaksion financiar. Nëse marrëveshja përbën një transaksion financiar, matja e instrumentit të borxhit bëhet me vlerën aktuale të pagesave të ardhshme të skontuara me një normë tregu interesi për një instrument të ngjashëm borxhi.

Në fund të çdo periudhe raportimi, shoqëria vlerëson nëse ka një evidencë objektive të zhvlerësimit të ndonjë aktivi financiar që matet me kosto ose me kosto të amortizuar. Nëse ka një evidencë objektive të zhvlerësimit, njihen menjëherë shuma për humbje nga zhvlerësimi në fitim ose humbje.

Nëse, në një periudhë pasuese, shuma e humbjes nga zhvlerësimi zvogëlohet dhe zvogëlimi mund të lidhet objektivisht me një ngjarje që ka ndodhur pasi ishte njohur zhvlerësimi (si një përmirësim në vlerësimin e pozicionit financiar të debitorit), rimerret humbja nga zhvlerësimi të njohur më parë ose direkt ose duke rregulluar një llogari zhvlerësimi, në fitim ose humbje.

Aktivitetet dhe detyrimet financiarë shoqëria i klasifikon në afatshkurtra dhe afatgjata, bazuar në percaktimet e SKK-2.

### **Të drejta të arkëtueshme**

Kërkesat për t'u arkëtuar, të ardhurat e konstatuara dhe llogari të tjera afatshkurtra dhe afatgjata, për t'u arkëtuar në parë regjistrohen në bilanc me kosto të amortizuar. Kostoja e amortizuar e të drejtave për t'u arkëtuar afatshkurtra, në përgjithësi është e barabartë me vlerën e tyre nominale (minus provizionet e krijuara për rënie në vlerë), kështu që kërkesat afatshkurtra regjistrohen në bilanc me vlerën e tyre neto të realizueshme (e cila raportohet, për shembull në një faturë, kontratë ose dokument tjetër).

### **Inventarët**



Fillimisht, inventari njihet atëhere kur shoqëria e ka nën kontroll, pret përfitime ekonomike prej tij dhe kostoja e tij mund të vlerësohet me besueshmëri. Njohja e inventarëve bëhet zakonisht në momentin e përfitimit.

Inventarët maten fillimisht me kosto. Kostoja e inventarit përfshin: koston e të gjitha materialeve të lidhura drejtpërdrejt me prodhimin si dhe koston e shndërrimit të këtyre materialeve në produkte përfundimtare. Kostot e drejtpërdrejta të materialeve përfshijnë, përveç çmimit të blerjes, edhe të gjitha kostot e tjera që nevojiten për të sjellë inventarin në gjendjen dhe vendndodhjen ekzistuese.

Kostoja e lëndëve të para, materialeve të konsumit, tokës dhe ndërtesave të blera për rishitje, përbëhet nga çmimi i blerjes, shpenzimet e transportit, taksat e importit, magazinimi, zbritjet dhe shtesat tregtare dhe të tjera shpenzime të tjera të ngjashme (taksat e parimbursueshme).

Pas njohjes, inventari matet me vlerën më të ulët midis koston dhe çmimit të vlerësuar të shitjes pakësuar me kostot për t'u përfunduar dhe shitur. Inventarët i nënshtrohen testit të zhvlerësimit në datën e raportimit.

### **Shpenzimet e shtyra dhe të arkëtueshme nga të ardhurat e konstatuara**

Shoqëria zbaton politikat e shtyrjes të shpenzimeve të cilat do të sigurojnë të ardhura në periudhat e mëvonshme. Po ashtu ajo shpërndan shpenzimet e parapaguara në vartësi të përdorimit dhe sigurimit të të ardhurave.

### **Aktivitet afatgjatë materiale**

Aktivitet afatgjatë materiale (AAM-të) njihen si një aktiv vetëm nëse: aktiviteti kontrollohet nga shoqëria, është e mundur që përfitime të ardhshme ekonomike nga përdorimi i aktivitetit të hyrë dhe kostoja e aktivitetit mund të matet me besueshmëri. Regjistrimi fillestar i AAM-së bëhet zakonisht në momentin e përfitimit të tij nga blerja apo prodhimi. Një element i AAM-së, që plotëson kriteret për njohje si aktiv në pasqyrën e pozicionit financiar, matet me kosto. Në vlerësimin e mëpasshëm shoqëria zbaton si politikë të saj kontabël modelin e koston dhe e aplikon këtë model për të gjithë klasën e AAM-së që vlerësohet.

Në pasqyrën e pozicionit financiar një element i AAM-së paraqitet me kosto minus amortizimin e akumuluar dhe ndonjë humbje të akumuluar nga zhvlerësimi.

Kostot që kanë të bëjnë me përmirësimet e mëpasshme i shtohen koston së AAM-së vetëm nëse ato përmbushin kriteret e përkufizimit të AAM-ve dhe kriteret për njohjen e aktiveve në pasqyrën e pozicionit financiar. Kostot që lidhen me mirëmbajtjet dhe riparimet e vazhdueshme njihen si shpenzime gjatë vitit ushtrimor

Shoqëria vlerëson në çdo datë të raportimit nëse ka ndonjë shenjë që një aktiv mund të jetë i zhvlerësuar. Nëse ekziston ndonjë shenjë e tillë, ajo vlerëson shumën e rikuperueshme të aktivitetit. Nëse nuk ka të shenja për zhvlerësim, nuk është e nevojshme të vlerësohet shumën e rikuperueshme.

Vlera e amortizueshme e AAM-ve njihet në pasqyrën e të ardhurave, si shpenzim në mënyrë sistematike përgjatë jetës së dobishme të këtij aktivi. Përfshijet në aktivet afatgjata materiale me jetë të dobishme pa afat si për shembull, toka (përveç minierave dhe vendeve të përdorura për groposje), punimet e artit me jetë afatgjatë, veprat e muzeve dhe librat të cilat nuk amortizohen. Një zë i aktiveve afatgjata materiale çregjistrohet kur ai nxirret jashtë përdorimit apo atëherë kur nuk priten më përfitime ekonomike të ardhshme apo nxjerrja e tij jashtë përdorimit.

Fitimet dhe humbjet në rastin e nxjerrjes jashtë përdorimit të aktiveve afatgjata materiale, përcaktohen sipas shumës së tyre të mbetur dhe merren parasysh në nxjerrjen e rezultatit operativ të vitit.

Amortizimi për të gjitha grupet, llogaritet dhe njihet me metodën e vlerës së mbetur, me norma të cilat janë të përafërta me jetegjatesinë mesatare të parashikuar të përdorimit. Toka dhe aktivet në proces nuk amortizohen. Normat e përdorura janë në ndertesa 5 %, në pajisje informatike 25% dhe për aktivet e tjera 20% të vlerës së mbetur.

### **Aktivitet afatgjata jomateriale**

Një aktiv afatgjatë jomaterial (AAJM) njihet vetëm nëse: është e mundur që të ketë përfitime të ardhshme ekonomike, kostoja e aktivitetit mund të matet me besueshmëri dhe aktiviteti nuk është rezultat i shpenzimeve të bëra brenda shoqërisë për një zë jomaterial. Njohja fillestare e një aktiviteti jomaterial bëhet me kosto, ndërsa vlerësimi i mëpashtëm paraqitet me koston e tij minus amortizimin e akumuluar dhe ndonjë humbje të akumuluar nga zhvlerësimi.

### **Njohja e të ardhurave dhe shpenzimeve**

Të ardhurat dhe shpenzimet njihen sipas kontabilitetit të të drejtave të konstatuara. Matja e të ardhurave bëhet me vlerën e drejtë të arkëtuar ose të arkëtueshme. Vlera e drejtë e shumës së arkëtuar apo për t'u arkëtuar merr parasysh shumën e çfarëdo zbritje tregtare, zbritjet për shlyerje të menjëhershme dhe zbritjet e bëra për sasi (vëllim) të blerë.

Të ardhurat nga shitja e mallrave dhe e produkteve njihen kur janë plotësuar të gjitha kushtet e mëposhtme: i janë kaluar blerësit të gjitha rreziqet dhe përfitimet, që lidhen me pronësinë e mallrave dhe produkteve; shoqëria nuk vazhdon të jetë e përfshirë në mënyrë të vazhdueshme në menaxhimin e mallrave dhe të produkteve në atë masë që tregon se ende zotëron titullin e pronësisë dhe/ose ka kontroll efektiv mbi mallrat/produktet e shitura; shumën e të ardhurave mund

të matet me besueshmëri; është e mundur që përfitimet ekonomike, që lidhen me transaksionin, do të merren; kostot që kanë ndodhur, ose që do të ndodhin në lidhje me transaksionin, mund të maten me besueshmëri.

Të ardhurat nga kryerja e shërbimeve njihen kur: shuma e të ardhurave mund të matet me besueshmëri; është e mundshme që përfitimet ekonomike të lidhura me transaksionin do të hyjnë në shoqëri; faza e përfundimit të transaksionit në fund të periudhës raportuese mund të matet me besueshmëri; kostot e ndodhura për shërbimin, si dhe ato që do të ndodhin për përfundimin e tij mund të maten me besueshmëri.

Të ardhurat që rrjedhin nga përdorimi nga palë të treta i aktiveve të saj që sjellin interes, përfitim pagesash për përdorime të pronës (rojëllti) dhe dividendë njihen si më poshtë: të ardhurat nga interesi njihen mbi bazën e metodës lineare ose të metodës së bazuar në normën e brendshme të interesit efektiv; të ardhurat nga shfrytëzimi i pronësisë (rojëllti) njihen mbi bazën e të drejtave dhe detyrimeve të konstatuara, në përputhje me kushtet e kontratës; të ardhurat nga dividendët njihen kur aksionari ka të drejtë ligjore për ta arkëtuar atë (dividendin).

Shpenzimet njihen në pasqyrën e të ardhurave dhe shpenzimeve atëherë kur ngjarja detyruese ka ndodhur dhe shoqëria pret të dalin aktive për shlyerjen e tyre në të ardhmen. Shoqëria zbaton parimin e krahasimit të të ardhurave me shpenzimet brenda të njëjtit ushtrim kontabel. Shpenzimet njihen kur kryhen dhe realizohen të ardhura prej tyre, pavarësisht nëse janë faturuar apo paguar.

### **Të ardhurat dhe shpenzimet financiare**

Të ardhurat financiare përfshijnë të ardhura interesi nga llogaritë bankare dhe fitime nga kursi i këmbimit që njihen në pasqyrën e të ardhurave dhe shpenzimeve. Të ardhurat nga interesi njihen mbi bazën e të drejtave të konstatuara duke përdorur metodën e interesit efektiv.

Shpenzimet financiare përfshijnë shpenzime interesi mbi huamarrjet dhe humbjet nga kursi i këmbimit, ndryshimet në vlerën e drejtë të aktiveve financiare të mbajtura me vlerë të drejtë nëpërmjet llogarisë fitim/humbje dhe humbjet nga zhvlerësimi i aktiveve financiare. Kostot e huamarrjes njihen në pasqyrën e të ardhurave dhe shpenzimeve me metodën e interesit efektiv.

### **Fondet për pension**

Shoqëria paguan kontributet ndaj sigurimeve shoqërore e shëndetësore të detyrueshme, që sigurojnë përfitimet për pensione të punonjësve në përputhje me legjislacionin shqiptar. Autoritetet Fiskale janë përgjegjëse për përcaktimin e kufirit minimal ligjor të vendosur për pensionet në juridiksionin përkatës sipas një plani kontributësh pensioni të përcaktuar.

## Monedhat e huaja

Transaksionet në monedhë të huaj, që plotesojne kushtet në njohje, regjistrohet në monedhën funksionale, duke zbatuar mbi shumën e monedhës së huaj kursin e menjëhershëm të këmbimit (spot) ndërmjet monedhës funksionale dhe monedhës së huaj në datën e transaksionit, por shpesh përdoret një kurs këmbimi, i cili është i përafërt me kursin e datës së kryerjes së transaksionit, p.sh. një kurs mesatar i një jave ose një muaji mund të përdoret për të gjitha transaksionet e kryera gjatë kësaj periudhe, në secilën prej monedhave të përdorura.

Në fund të çdo periudhe raportuese, zërat në monedhë të huaj përkthehen si me poshtë: zërat monetarë të shprehur në monedhë të huaj duke përdorur kursin e këmbimit të mbylljes (d.m.th. në datën raportuese); zërat jomonetarë që maten me kosto historike në monedhë të huaj duke përdorur kursin e këmbimit në datën e transaksionit; zërat jomonetarë që maten me vlerën e drejtë në monedhë të huaj duke përdorur kursin e këmbimit në datën kur është përcaktuar vlera e drejtë. Diferencat e këmbimit, që krijohen gjatë shlyerjes së zërave monetarë ose gjatë përkthimit të zërave monetare me kurse këmbimi të ndryshme nga kurset e këmbimit, me të cilat ato janë përkthyer në njohjen gjatë periudhës kontabël aktuale, ose në pasqyrat financiare të mëparshme, njihen si fitim (ose humbje) të periudhës kontabël kur ato lindin

Kur një përfitim ose humbje për një zë jomonetar njihet drejtpërdrejt në kapital, atëherë drejtpërdrejt në kapital do të njihet edhe diferenca e këmbimit.

Kurset e këmbimit, të përdorura nga shoqëria për monedhat e huaja më kryesore, më 31.12.2021 janë **1 Euro=120.76 leke** dhe **1 Dollar= 106.54 Leke**.

## Tatimin mbi fitimin

Tatimi mbi fitimin përfshin tatimin e periudhës aktuale dhe tatimin e shtyrë. Tatimi mbi fitimin njihet si shpenzim tatimor në pasqyrën e performancës, përveç tatimit të zërave që njihen direkt në kapital, i cili njihet si një zë i kapitalit.

Detyrimi tatimor aktual njihet në vlerat që shoqëria pritet të paguajë (rimbursojë) mbi bazën e normave tatimore dhe ligjeve tatimore që janë miratuar ose janë në thelb të miratuara në datën e raportimit.

Aktivi ose detyrimi tatimor të shtyrë njihet për tatimet e zbritshme (rimbursueshme) ose të pagueshme në periudhat e ardhshme si rezultat i transaksioneve ose ngjarjeve të kaluara. Këto tatime lindin nga ndryshimet mes vlerave të njohura për aktivet dhe detyrimet në pasqyrën e pozicionit financiar dhe njohjes së këtyre aktiveve dhe detyrimeve nga autoritetet tatimore, si dhe nga mbartja e humbjeve tatimore dhe e tatimit të zbritshëm (rimbursueshëm) të papërdorur.

Norma aktuale e tatimit mbi fitimin për ushtrimin 2021 është 15 % aq sa ka qënë në ushtrimin e mëparshëm.



**Detyrimet Afatshkurtra e Afatgjata**

Huat e marra, furnitorët, shpenzimet e konstatuara dhe huamartje të tjera afatshkurtra dhe afatgjata, për t'u shlyer në para, në përgjithësi, mbahen me koston e amortizuar në bilanc. Kostoja e amortizuar e pasiveve financiare afatshkurtra, në përgjithësi, është e barabartë me vlerën e tyre nominale; kështu që pasivet financiare afatshkurtra mbahen në bilanc në vlerën e tyre neto të realizueshme (për shembull, të raportuar në një faturë, kontratë ose dokument tjetër).

**1. Aktive monetare (likujditete në arke dhe bankë)**

Gjendjet e mjeteve monetare ne banke dhe arke, ne leke dhe valute ne datat 31.12.2021 dhe 31.12.2020 jane si meposhte :

1. Aktive monetare	Viti raportues 31.12.2021	Viti paraardhës 31.12.2020
1 Arka		
2 banka	294,732,231	35,692,267
<b>Totali</b>	<b>294,732,231</b>	<b>35,692,267</b>

Gjendjet e llogarive te likujditeteve te paraqitura ne pasqyrat financiare jane te njejta me te dhenat e kontabilitetit rrjedhes dhe konfirmohen me nxjerrjet e llogarive bankare dhe inventaret fizike te monedhave. Tepricat e shprehura në monedhë të huaj, jane përkthyer ne leke duke përdorur kursin e këmbimit të fundit te ushtrimit te bankes respektive.

**2 Investime**

Investimet, ne fillim dhe ne fund te ushtrimit kontabel 2020 dhe 2021 deklarohen si vijon: jane zero

**3. Të drejta të arkëtueshme afatshkurtra**

Të drejtat e arketueshme, ne fillim dhe ne fund te ushtrimit kontabel 2021—jane

Te drejta te arketueshme	Viti raportues 31.12.2021	Viti paraardhës 31.12.2020
Nga aktiviteti shfrytezimit (Kliente )	195,899,012	
Nga njesite ekonomike brenda grupit		
Nga njesite ekonomike ku ka interesa pjesemarrese		
Te tjera		
Kapital i neneshkruar i papaguar		
<b>Totali</b>	<b>195,899,012</b>	



Ne "Nga Aktiviteti i Shfrytëzimit (Kliente)jane pasqyruar faturat e papaguara per sherbimet qe shoqeria ka realizuar gjate ushtrimit.

#### 4 .Inventari

Gjendjet e inventarit ne fillim dhe fund te ushtrimit paraqiten si vijon:

Inventaret	Viti raportues 31.12.2021	Viti paraardhës 31.12.2020
Lëndë e parë dhe materiale të konsumueshme		
Prodhime në proces dhe gjysëmprodukte		
Produkte të gatshme		
Mallra	172,162,792	17,192,459
Aktive Biologjike (Gjë e gjallë në rritje e majmëri)		
AAGJM të mbajtura për shitje		
Parapagime për inventar	30,400	1,170,029
<b>Totali</b>	<b>172,193,192</b>	<b>18,362,488</b>

Vlerat e inventarit te paraqitura me siper perputhen me te dhenat e kontabilitetit dhe te inventarizimeve fizike e kryer ne fund te ushtrimit 2021. Veprimet ekonomike qe lidhen me hyrjet e daljet jane tranzituar ne llogarite e rezultatit me menyren e inventarit perhershëm. Si politike kontabel ne percaktimin e kosos se inventarit eshte perdorur metoda "mesatares se ponderuar", gjeneruar nga programi "Financa 5".

#### 5.Shpenzime të Shtyra

Jane evidentuar shpenzimet e kryera per rikonstruksionin e ambjenteve ekzistuese te laboratoreve te spitaleve sipas kontrates me Ministrine e Shendetsise dhe qe do te shperndahen ne disa periudha.

	Viti raportues 31.12.2021	Viti paraardhes 31.12.2020
Shpenzime te shtyra	152,476,396	128,336,887

#### 6.Aktivët Afatgjatë

##### Aktivët Afatgjatë materiale (AAM-Te)

AAM-te,qe plotesojne kriteret per njohje si aktiv ne pasqyren e pozicionit financiar ,jane matur me kosto.Ne vleresimin e mepasshem shoqeria zbaton si politike te saj kontabel modelin e kosos dhe ne pasqyren e pozicionit financiar AAM-te jane paraqitur me kosto minus amortizimin e akumuluar dhe ndonje humbje te akumuluar nga zhvleresimi nqs ka .Vlerat dhe klasifikimi ne grupe i AAM -ve te pasqyruara ne bilanc dhe ne tabelen e meposhteme jane te perputhura me te dhenat e kontabilitetit dhe te inventarizimeve fizike qe shoqeria e ka kryer ne fund te muajit dhjetor

**LABORATORY NETWORKS shpk**

**Shenimet e pasqyrave financiare per vitin e mbyllur me 31 dhjetor 2021**


2021. Shoqeria vlereson ne cdo date te raportimit nese ka ndonje shenje qe nje aktiv mund te jete i zhvleresuar. Drejtimi mendon se pergjithesisht ne jkete ushtrimkontabel, nuk ka shenje te renjes ne vlere te AAM-ve dhe nuk ka llogaritur zhvleresime.

Gjendjet e AAM-ve ne fillim dhe ne fund te ushtrimit paraqiten

Gjendjet dhe levizjet	Toka	Ndertesa	Makineri dhe paisje	Aktivitet te tjera afatgjata materiale	Totali
Kosto e AAM-ve me 01.01.2021	-	-	192,898,140	56,341,370	249,239,510
<b>A</b> Shtesat	-	-	19,346,645	51,895,706	71,242,351
Pakesimet	-	-	-	-	-
<b>Kosto e AAM-ve 31.12.2021</b>	-	-	<b>212,244,785</b>	<b>108,237,076</b>	<b>320,481,861</b>
Amortizimi AAM-ve 01.01.2021	-	-	4,960,443	1,043,273	6,003,716
<b>B</b> Amortizimi ushtrimit	-	-	35,728,664	14,209,561	49,938,225
Amortizimi per daljet e AAM-ve	-	-	-	-	-
<b>Amortizimi i AAM-ve 31.12.2021</b>	-	-	<b>40,689,107</b>	<b>15,252,834</b>	<b>55,941,941</b>
Zhvleresimi AAM-ve 01.01.2021	-	-	-	-	-
<b>C</b> Shtesat	-	-	-	-	-
Pakesimet	-	-	-	-	-
<b>Zhvleresimi AAM-ve 31.12.2021</b>	-	-	-	-	-
<b>Vlera neto e AAM-ve 01.01.2021</b>	-	-	<b>187,937,697</b>	<b>55,298,097</b>	<b>243,235,794</b>
<b>D</b>	-	-	-	-	-
<b>Vlera neto e AAM-ve 31.12.2021</b>	-	-	<b>171,555,678</b>	<b>92,984,242</b>	<b>264,539,920</b>

**7. Detyrime Afatshkurtëra**

- a. "Titujt e huamarrjes" paraqet detyrimet e mbetura pa u paguar ndaj huadhenesve te ndryshem ne fund te ushtrimit
- b. "Të Pagueshme për Aktivitetin e Shfrytëzimit" paraqet detyrimet e mbetura pa u paguar ndaj Furnitoreve te ndryshem ne fund te ushtrimit.
- c. "Të Pagueshme ndaj Punonjësve dhe Sigurime shoq./shëndet." paraqet detyrimet e mbetura pa u paguar ndaj punonjesve dhe Sigurimeve Shoqerore e Shendetesore te muajit dhjetor 2021.
- d. "Të Pagueshme për Detyrime Tatimore" perbehet nga tatim mbi fitimin e vitit 2021, tatimi mbi vleren e shtuar ,tatimi mbi te ardhurat personale dhe tatimi ne burim .



Detyrimet afatshkurtera ne fillim dhe ne fund te ushtrimit kontabel 2021 paraqiten :

Përshkrimi i Elementëve	Viti raportues 31.12.2021	Viti paraardhës 31.12.2020
Titujt e Huamarrjes	-	-
Detyrime ndaj Institucioneve të Kredisë	-	-
Arkëtime në Avancë për Porosi	-	-
Të Pagueshme për Aktivitetin e Shfrytëzimit(furnitore)	675,891,609	116,685,162
Dëftesa të Pagueshme	-	-
Të Pagueshme ndaj Njës.Ekon. Grup	-	-
Të Pagueshme ndaj Njës.Ekon. Pjesëmarrje	-	-
Të Pagueshme ndaj Punonjësve dhe Sigurime shoq./shëndet.	-	-
Paga dhe shpërblime	39,973	138,255
Sigurime shoqërore dhe shëndetësore	6,712,255	1,207,868
Të Pagueshme për Detyrime Tatimore	-	-
Shteti-Tatim mbi fitimin	23,140,160	-
Shteti-Tatim mbi vleren e shtuar	1,811,550	-
Tatim mbi të ardhurat personale	3,262,161	385,173
Tatimi ne burim	22,765	19,691
Të Tjera të Pagueshme-parapagim dogane	(64)	(216)
<b>Totali</b>	<b>710,880,409</b>	<b>118,435,933</b>

**8 .Detyrimet afatgjata -Huate afatgjata**

Detyrimet afatgjata ne fillim dhe ne fund te ushtrimit kontabel 2021 paraqiten :

	Viti raportues 31.12.2021	Viti paraardhës 31.12.2020
<b>1 Detyrime afatgjata:</b>		
(i) Titujt e huamarrjes		86,590,000
(ii) Detyrime ndaj institucioneve të kredisë	217,656,063	277,027,715
(iii) Arkëtime në avancë për porosi	-	-
(iv) Të pagueshme për aktivitetin e shfrytëzimit	-	-
(v) Dëftesa të pagueshme	-	-
(vi) Të pagueshme ndaj njësive ekonomike brenda grupit	-	-
(vii) Të pagueshme ndaj njësive ekonomike ku ka interesa pjesëmarrëse	-	-
(viii) Të tjera të pagueshme	-	-
<b>Totali 1</b>	<b>217,656,063</b>	<b>363,617,715</b>



**9. Kapitali dhe rezervat****a. Kapitali i nenshkruar :**

Kapitali rregjistruar i shoqerise, i paraqitur ne bilanc, është 10,000,000 ALL dhe zoterohet nga :

1. LABOPHARMA SHPK Ortak i shoqërisë zotërues i 1 kuote me 41.7% të pjesëve të

Kapitalit - Para: 4.170.000,00 leke.

2. AB Laboratory Solutions B.V Ortak i shoqërisë zotërues i 1 kuote me 33.3% të pjesëve të

Kapitalit - Para: 3.330.000,00 leke.

3. EXALAB Ortak i shoqërisë zotërues i 1 kuote me 25% të pjesëve të


Kapitalit - Para: 2.500.000,00

<b>III KAPITALI DHE REZERVAT</b>	Viti raportues 31.12.2021	Viti paraardhes 31.12.2020
<b>1 Kapitali i Nënshkruar</b>	<b>10,000,000</b>	<b>10,000,000</b>
<b>2 Primi i lidhur me kapitalin</b>	-	-
<b>3 Rezerva rivlerësimi</b>		
<b>4 Rezerva të tjera</b>		
(i) Rezerva ligjore		
(ii) Rezerva statutore	-	-
(iii) Rezerva të tjera		
<b>5 Fitimet(humbja) e pashpërndara</b>	<b>(66,426,420)</b>	<b>(748,232)</b>
<b>6 Fitimi (humbja) e vitit financiar</b>	<b>207,730,699</b>	<b>(65,678,188)</b>
<b>TOTALI I KAPITALIT (III)</b>	<b>151,304,279</b>	<b>(56,426,420)</b>

**10. Fitimi (humbja) e vitit financiar .****Te Ardhurat**

Te Ardhura e realizuara gjate ushtrimit , sipas segmenteve (kategorive)te biznesit paraqitet si vijon :

Te ardhurat	Viti raportues 31.12.2021	Viti paraardhës 31.12.2020
Te ardhurat nga shitja e produkteve		
Te ardhurat nga kryerja e sherbimeve	1,263,559,038	30,670,190
Te ardhurat nga shitja e mallrave	706,829	
Te ardhura te tjera		
<b>Shuma</b>	<b>1,264,265,867</b>	<b>30,670,190</b>



## Shpenzimet e veprimtarise kryesore

## Analize e shpenzimeve

Lloji i shpenzimit	Viti raportues 31.12.2021	% Ndaj totalit 31.12.2021	Viti raportues 31.12.2020	% Ndaj totalit 31.12.2020
Mallra, Lendet e para dhe sherbimet	601,110,589	58.12%	51,689,856	55.58%
Kosto e Punes	183,116,895	17.73%	15,341,334	16.50%
Amortizimi	49,938,225	4.83%	6,003,716	6.46%
Qira	1,584,113	0.15%	851,974	0.92%
Mirembajtje & Riparime	159,580,595	15.45%	6,680,130	7.18%
Siguracione	553,825	0.05%	584,253	0.63%
Shpenzime udhetimi e dieta	1,166,000	0.11%	102,212	0.11%
Shpenzime postare e telekomunikacioni	3,371,177	0.33%	325,774	0.35%
Shpenz transporti	316,500	0.03%	4,292	0.00%
Shpenzime bankare	1,598,732	0.15%	2,144,736	2.31%
Tatime,taksa dhe derdhje te ngjashme	626,883	0.06%	84,574	0.09%
Shpenzime per pritje e perfaqsimi	1,853,570	0.18%	171,875	0.18%
Shpenzime te panjohura	1,156,626	0.11%	34,960	0.04%
Njohja e shpenzimeve te periudhave te ardhme	10,501,288	1.02%		0.00%
Shpenzime IFC sipas kontrates 10 vjecare	7,245,600	0.70%	7,642,644	8.22%
Shpenzim noterial	24,900	0.00%	130,960	0.14%
Pastrim dizifektim spitaleve	541,320	0.05%		0.00%
Shpenzim per siguri ne pune	144,000	0.01%		0.00%
Shpenzime instalim energjie	1,110,195	0.11%	404,745	0.44%
Shpenzime mirembajtje IT	1,482,009	0.14%	206,000	0.22%
Shpenzime konsulence financiare	62,000	0.01%		0.00%
Shpenzime reciklim mbeturinash	5,312,022	0.51%		0.00%
Shpenzime per personelin test covid	160,945	0.02%	82,500	0.09%
Shpenzime printimi	1,146,722	0.11%		0.00%
Shpenzime te ndryshme	64,886	0.01%	508,075	0.55%
<b>Totali</b>	<b>1,033,769,617</b>	<b>100.00%</b>	<b>92,994,610</b>	<b>100.00%</b>

Konsumi i materialeve,mallrave,furniturave,punimeve e sherbimeve,te pasqyruara ne dokumentat justifikues ,jane regjistruar me shumet e faturuara ose shumet e pagueshme



*[Handwritten signature]*

▪ **Te ardhurat dhe shpenzimet financiare**

Jane paraqitur si diference e te ardhurave me shpenzimet sipas kerkesave te standarteve.

Analitikisht jane si me poshte :

**11.Shpenzimet e tatimit mbi fitimin**

Shpenzimet e tatimi mbi fitimin per ushtrimin kontabel 2021 jane si vijon:

REZULTATI TATIMOR 2021	Viti raportues 31.12.2021	Viti paraardhës 31.12.2020
<b>I Fitimi neto para tatimit</b>	232,870,859	(65,678,188)
<b>II Shpenzime te pazbriteshme (+)</b>	-	-
Amortizime tej normave fiskale	-	-
Shpezime pritje e dhurime tej kufirit tatimor	-	-
Gjoha,penalitete,demshperblime	-	-
Provizione qe nuk njihen	-	-
Shpenzime pa dok. ose jo te rregullta	-	-
Te tjera	-	-
<b>III Pjesa e humbjes se mbartur(-)</b>	-	-
<b>IV Fitimi (Humbja) Tatimore(I+II-III)</b>	232,870,859	(65,678,188)
Shpenzimi i tatim fitimit-15%	25,140,160	-
<b>V FITIMI NETO I USHTRIMIT(I-V)</b>	207,730,699	(65,678,188)

Tatim fitimi i ushtrimit eshte llogaritur mbi fitimin e tatueshem ,i cili eshte rregulluar nga shpenzimet e panjohura sipas legjislacionit fiskal analizuar ne tabelen e mesiperme .

Ne tabele jane pasqyruar perberesit me kryesore te shpenzimeve (te ardhurave) tatimore te cilat perfshijne : shpenzimet aktuale dhe shumen e shpenzimeve (Te ardhures) tatimore te shtyre

.Norma e tatim mbi fitimin pe vitin 2021 eshte 15%



**12. Ngjarjet pas dates se bilancit dhe vazhdimesia e shfrytezimit**

Asnjë ngjarje e rëndësishme nuk ka ndodhur pas datës së miratimit të Pasqyrave Financiare.

**13. Transaksione te paleve te lidhura e shpjegime mbi palët e lidhura**

Ne marrjen ne konsiderate te çdo transaksioni dhe marredhenie te mundshme, jo thjesht formen ligjore te tyre, ne 31 dhjetor 2021 dhe 31 Dhjetor 2020 jane si me poshte

Levizje	2021	2020
<b>Blerje nga:</b>		
Blerje mallrash LABOPHARMA	734,183,693	66,586,473
Ofrimi i sherbimeve servisi LABOPHARMA	36,180,000	-
Blerje AAM nga LABOPHARMA	25,269,316	219,039,381
Blerje mallrash AB Laboratory Solutions B.V	-	-
Ofrimi i sherbimeve servisi AB Laboratory Solutions B.V	-	-
Blerje to tjera nga AB Laboratory Solutions B.V	-	-
Blerje mallrash EXALAB	-	-
Ofrimi i sherbimeve servisi EXALAB	-	-
Blerje to tjera nga EXALAB	-	-
<b>Shitje kundrejt:</b>		
LABOPHARMA	706,829	-
AB Laboratory Solutions B.V	-	-
EXALAB	-	-
<b>Te ardhura to tjera</b>		
LABOPHARMA	-	-
AB Laboratory Solutions B.V	-	-
EXALAB	-	-
<b>Te ardhura financiare</b>		
<i>Te ardhura nga interesi</i>	3,340,795	(79,506)
<i>Te ardhura nga dividendet</i>	-	-
<b>Saldo</b>	<b>2021</b>	<b>2020</b>
Llogari te arketueshme LABOPHARMA	-	-
Llogari te arketueshme AB Laboratory Solutions B.V	-	-
Llogari te arketueshme EXALAB	-	-
Llogari te pagueshme LABOPHARMA	553,719,896	111,804,483
Llogari te pagueshme AB Laboratory Solutions B.V	-	-
Llogari te pagueshme EXALAB	-	-





**14. Shifrat krahasuese**

Pasqyrat financiare të vitit 2021 janë hartuar dhe paraqitur në përputhje me formatet që janë dhënë në shtojcën e standardit SKK-2, (të përmirësuar) dhe çeljet e vitit 2020 janë riparaqitur sipas këtyre zërave.

**ADMINISTRATORI**

**SOKOL RAMIZI**

